

光緒山西通志

古蹟考六

考四之六

山西通志卷五十五

代進士出身頭品頂戴兵部侍郎兼都察院右副都御史巡撫山西提督軍務張廣森

旨監修

宮室

附墟里田園

庖犧故宮在吉州北

舊通志庖山頂上建伏羲廟舊碑傳爲故宮

謹案庖山俗名人祖山以伏羲初制嫁娶也而賈則古之風山水經注風山有穴如輪風氣蕭瑟習常不止衆風之門不知何時以太昊風姓遙爲影附遂闢洪荒然元晏世紀謂太昊都陳遁甲開山圖則以爲在陳倉記載雜出半由流傳苟有其說亦不必盡斥爲僞迹也

山西通志卷之二十一 五里亭
伏牛臺在趙城縣畫卦臺在洪洞縣

太平記在縣南一十五里按帝王世紀曰伏羲風姓蛇身
人首嘗居此臺伏牛乘馬故曰伏牛臺

舊通志臺在縣東三十里下有卧牛

阮云

舊通志洪洞縣伏羲廟在縣東南五十里廟東有臺相
傳伏羲畫卦處

荷室康衢蕤莢亭茅茨土階貳宮堯井並在臨汾縣

管子堯有荷室之間下聽於民也 列子堯理天下五十
年不知天下理與亂乃微服游於康衢聞兒童謠曰立我
蒸民莫匪爾極不識不知順帝之則 墨子堯堂高三尺
土階三等茅茨不翦 帝王世紀有草夾階而生隨月生
死名蕤莢又帝見舜處之貳宮

孟子館甥於貳室集注副宮也

曹通志臨汾縣南十里伊村有茅茨土階遺址又有堯

莢亭又堯井在堯廟殿前相傳堯建都時所鑿

縣志東
橋村在

縣東北
十里

米廩虞庠也總章其宮也今永濟縣有舜宅故址又有舜井
禮記米廩有虞氏之庠也疏云虞氏出於畎畝故特作米
廩藏棗盛之委焉又養國老於上庠養庶老於下庠注上
庠大學下庠小學鄭康成曰虞夏尙質取貴成物故大學
在西小學在東 尸子有虞曰總章商有陽館陳子昂曰
黃帝合宮有虞總章皆所以調元氣治陰陽也 宋永初
山川記蒲坂城中有舜廟城外有舜宅 帝王世紀河東
有舜井

丹朱臺俗名熨斗臺在長子縣

舊通志鬘斗臺在縣北世傳丹朱所築形似鬘斗

夏宮夏臺皇川離宮並在夏縣

太平記陝州夏縣夏宮夏靜與洛下人書云安邑禹舊宮

有石殿金戶丹庭紫宮俗人名爲驪姬故房今無基址夏

禹臺在縣西北十五里十三州志云禹娶塗山氏女思本

國築臺以望今城門南臺基猶存夏靜與洛下人書云安

邑塗山氏臺俗謂之青臺上有禹祠

史記桀召湯而囚之夏臺已而釋之

皇川在縣東南五十五里中條山內書舊相傳夏后避暑

離宮之所

舊通志作望川宮云出十三州志

謹案夏靜所言宮與臺並在古城至今縣東之瑤臺

乃巫咸山或以爲青臺非十三州志所云今城門者

亦指古禹城本漢晉舊治也又塗山氏化石生啟之

說楚辭天問稱之開母廟漢碑亦有此說其實出隨
巢子偽書荒誕之說與吳越春秋白狐九尾等事皆
不足辨至禹妃之名路史作后趨大戴禮記作女嬀
氏一曰文嬀世紀列女傳及吳越春秋作女嬀亦同
惟世本作女媧則字形相似而譌也倦游錄三門禹
殿肅後殿爲一胡人頭冠喪服
侍衛皆胡人云禹婦翁俗有此

旋臺在太原縣

路史帝啟又筮於晉之墟作旋臺於水之陽注在太原

謹案此與桀之臺名相同疑有一譌

雲和後苑在安邑縣

古琴疏夏帝相元年條谷貢桐芍藥帝命羿植桐於雲和
命武羅伯植芍藥於後苑

謹案夏自太康失國見距於羿偶古文五子之歌蓋不足信此據史記及竹書紀年然今竹書亦非古本要是古有事帝相已居商邱矣安得復命羿爲植竹木之娛乎此蓋好事者之爲然今中條山實有條谷安邑志云谷口有泉曰蒼龍泉

瑤臺亦曰旋臺與三衢並在夏縣或云臺在絳縣

管子昔者桀之時女樂三萬人端謔晨樂聞於三衢晏子春秋夏之衰也其王桀作旋臺寰宇記絳縣璇臺瓊室在城南門夏桀造列女傳璇臺瓊臺以臨雲雨羅莘路史注在絳之正平旋臺者登之轉危常若旋轉所謂搖臺世不知作璿瑤者非

謹案此臺亦名均臺見太公金匱而瑤臺之名見劉向新序及張華博物志羅莘謂本動搖之搖而二璿

正作瓊瑤之瑤且樂史云在絳縣而萃謂在正平皆非也此臺今在夏縣城東北博物志又云桀爲名室又爲長夜宮於深谷之中男女雜處十旬不出聽政天乃大風揚沙一夕填此宮谷也大氏瑤臺卽璇臺亦卽均臺瓊臺今雖無攷理亦不出夏縣至縣人以中條中一峰呼爲瑤臺不知此乃巫咸山也長夜宮亦必在此左右旣爲風沙所填不得有遺跡矣諸子雜說存其名焉可爾若管子所云三衢不過大道實亦不能確指所在

鑣宮或云在垣曲縣桐宮在聞喜縣

墨子乃命湯於鑣宮用受夏之大命 史記伊尹放太甲於桐宮注鄭康成云桐地有王離宮 元和志桐鄉故城

漢聞喜縣也在縣西南八里隋圖經云俗以此城爲伊尹放太甲於桐宮之所孔注尙書云桐湯葬地也按尸鄉有放太甲處在偃師縣界非此也

寰宇記元和十年復置縣於桐鄉故城卽今理也

聞喜新志魏文帝皇覽云湯冢在濟陰亳縣括地志云湯冢在北亳垣曲爲宇文周之亳城縣卽北亳矣其稱濟陰者前固云濟水出濟源山實踞垣曲之東垣曲亦爲濟陰也桐宮之放僞古文謂密邇先王其訓此語必有所受

古文雖僞要多采自古書者

最密邇垣曲者聞喜何乃謂在尸鄉乎況聞喜有宋保甯寺碑宋沙渠寺碑金宣聖廟碑皆直稱聞喜爲桐宮路史言聞喜西南八里有桐鄉城據隋圖經卽桐宮太甲所放處是自古有定論矣洎明李評事汝寬著說力辨其非以爲劉向敘帝王陵墓

獨股湯無葬處後人何由知之不思子政雖不知子桓
知而著之皇覽亦必確有依據也且李意在湯陵之眞
僞今亦無暇與細論要桐宮決無可疑蓋成王翦桐戲
叔虞史佚成之遂取地之名桐者定封以實其桐葉之
戲知此地名桐固自商以來未之有改故至秦而猶以

名鄉也

巴兒國部
此重出

春秋晉武宮曲沃宮並在聞喜縣

左傳僖二十四年壬寅公子入於晉師丙午入於曲沃丁
未朝於武宮杜注文公之祖武公廟成十八年傳逆周子
於京師而立之館於伯子同氏辛巳朝於武宮杜注武宮
曲沃始命君又僖三十二年傳晉文公卒將殯於曲沃出
絳柩有聲如牛杜注曲沃有舊宮焉

聞喜新志古曲沃前辨已定然觀水經注涑水條下所引新城下國及揚水之詩似卽以今日之聞喜城當之恐未覈也今之縣城乃左邑秦皇帝所置也至古曲沃當在今縣城東北六十里之橫水鎮蓋爲聞絳兩縣之交亦今曲沃縣之左近地也請卽以左傳晉文之殯諱之夫故絳在今太平境而文公墓在今絳縣迴泉村由太平葬於絳中途正逕橫水殯此爲便豈有昇柩迂道西行六十里遠殯於左邑城乃始東葬者乎且橫水據涑岸而倚絳山形勢雄闊兼多有古城遺址以當故都之曲沃爲稱又地距今之曲沃甚邇可知拓跋魏之割絳縣而置曲沃也其城雖實借新田其疆域尙得故曲沃地固未嘗悍然取古名而強被諸全不相涉之旁邑

也若後漢郡國志云聞喜邑本曲沃劉昭引毛詩譜注
曰曲沃在縣東北數里斯言似與今橫水之距縣東北
六十里有未合者不知當時聞喜縣治本在今東鎮裴
村一帶東北去橫水甚近詩譜所謂縣東北者指此非
謂今之縣治也蓋漢武雖新置聞喜而仍西存左邑兩
縣並在今縣境後乃廢去左邑卽西移聞喜治左邑城
始爲今之縣治爾時尚非如此也鄭君詩譜精審若是
豈得據今日之準望疑之哉斷斷以在橫水鎮爲合不
在今縣城也

案左傳樂盈自曲沃以晝入絳時絳在
新田蓋相距數十里故止半日程也

絳宮固宮並在曲沃縣

左莊二十四年傳冬土蒞城絳以深其宮杜注絳晉所都
今平陽絳邑縣又襄二十三年傳樂王黷侍坐於范宣子

或告曰欒氏至矣宣子懼桓子曰奉君以走固宮必無害

使宣子墨縵冒經二婦人輦以如公奉公以如固宮

案注以固

宮爲堅固之宮而國語則云樂盈書入爲賦于絳范宣子以公入于襄公之宮是蓋襄公舊所居也傳又載靈公厚

斂以彫牆則知每君各有築宮而今不能備見矣

九層臺闕雞臺並在太平縣

說苑晉獻公築九層之臺荀息諫曰臣能累十二碁子加

卵於其上公曰危哉息曰不危公造九層臺三年不成男

不耕女不織亦甚危矣公遂止其役

舊通志九層臺在縣南二十五里古晉城今遺址涼馬

寺明王體復詩霸迹舊城隈崇岡尙有臺又闕雞臺在

縣南三十里揚威村相傳晉公子闕雞處

斬祛垣在隰州夷吾宮在大甯縣南

舊通志隰州斬祛垣東北五十里蒲子城

宋當作蒲邑寰宇記蒲邑

城在州北四十五里文公故居是也若蒲子左傳寺人則漢縣卽今州治寰宇記故城在州北一里

披伐蒲重耳踰垣而走披斬其祛又大甯縣夷吾宮在縣南相傳公子夷吾封屈時築

謹案舊志石樓縣南六十里有夷吾館爲惠公所築縣東又有夷吾橋蓋因屈產泉而以夷吾居屈傳合之也據元和志故北屈城在今吉州北二十一里石樓在隰州北百二十里州又在吉州北二百四十里築宮於三百里外必無之事也若大甯與吉接壤當時固爲北屈地謂縣南有夷吾宮或然

靈公臺屨祁宮並在絳州

左宣二年傳晉靈公不君厚斂以雕牆從臺上彈人而觀

其辟丸也 公羊傳已趨而避丸是樂而已矣

左昭元年傳晉侯方築厲祁之宮杜注厲祁地名在絳西四十里臨汾水 水經注汾水又逕絳縣故城北西逕厲祁宮北橫水有故梁截汾水中凡有三十柱柱徑五尺裁與水平蓋晉平公之故梁也物在水故能持久而不敗也又澮水注厲祁宮在新田絳縣故城西四十里晉平公之所構也其宮也背汾面澮西則兩川之交會也 元和志絳州正平縣晉靈公臺在縣西北三十一里故長修城中左傳晉靈公不君從臺上彈人觀其避丸卽此臺也案在鎮厲祁宮在縣南六里宮南有澮水北有汾水俱西流至宮西而合隋末依宮餘址築堡今名修義堡案今爲東昇村

銅鞮宮在沁州南

左襄三十一年傳今銅鞮之宮數里而諸侯舍於隸人杜

注銅鞮晉離宮

威九年鄭伯如晉晉人討其或於楚也執諸銅鞮注銅鞮晉別縣在上黨

上

黨記銅鞮晉別宮墟闕猶存北城去晉宮二十里羊舌所

邑 水經注銅鞮水又東逕銅鞮縣故城北城在水南山

中晉大夫羊舌赤銅鞮伯華之邑也

舊志銅鞮城在州南四十里故城鎮宋故

城鎮在水北與注所云水南者別一城然唐縣治也

元和志晉銅鞮宮在銅鞮縣

東十五里

案宮在今沁州南三十里志所云縣即故城鎮也去水南之城則二十里如上黨記

謹案漢志銅鞮有上虜亭下虜聚水經注上虜爲斷

梁城下虜爲頃城而銅鞮故城卽在此二城之間方

志或據以立說誤合虜祁宮爲一不知杜氏於虜祁

明指爲絳縣西四十里道元又申之曰新田絳縣李

吉甫又直云在絳州南六里

太平記所引絕無可混與元和志同

而後人且可因故宮所在以知新絳故絳皆爲今曲沃地而絳州絳縣皆非晉都正猶沁州名沁虛有其名與沁水無涉也

又案銅鞮宮以邑得名則鞮日白銅鞮亦取二字之古雅耳今試考之提古既以銅鞮稱理當實有其物書通志言汾山即姑射山也旁有蓮花洞遺銅鞮鞋一雙古色制度精異云寰宇記青山天寶中改名爲銅鞮山而沁州之堯山天寶六年改爲銅鞮山而所謂銅鞮時改名堯乃在汾西之山而銅鞮之山無聞不知當時改名堯何所取且兩山相去三百里又同時改名也是不可考若春秋羊舌末分縣時更無所稽矣又據近日出土古布只作同

藍臺在定襄縣鑿臺在榆次縣

國語智襄子還自衛三卿宴於藍臺

善志定襄下載此且言縣之智村有智伯

故里妄也臺水經注榆次縣故涂水鄉南側水有鑿臺韓則姑存於此魏趙殺智伯瑤於其下刳腹絕腸折頸摺頤處也

舊通志鑿臺在縣南五里郭村史記殺智伯瑤於鑿臺

之下卽此後爲源渦水所沒址微存一曰鑿臺

業臺卽臺之類

文猶臺壁晉書作壘壁也

晉陽公宮在太原縣縣東有汾橋

元和志晉陽故宮在州城內今名大明城是也昔智伯攻趙襄子襄子謂張孟談曰無箭奈何對曰臣聞董安于簡主之才臣也治晉陽公宮之垣以荻蒿楛楚膚之其高至丈餘於是發而試之其堅則簡轄之勁不能過也君曰矢足矣吾銅少奈何張孟談曰臣聞董安于之治晉陽也公宮之室皆以鍊銅爲柱質請發而用之則有餘銅矣又汾橋架汾水在縣東一里卽豫讓欲刺趙襄子伏於橋下襄子解衣之處長七十五步廣六丈四尺

趙襄子臺在和順縣

舊通志和順縣西二里一山突起有襄子避暑宮址存
卜子石室在汾陽縣北

汾陽縣志謁泉山在縣北四十里一名隱泉山水經注
曰其山石崖絕險壁立天剗崖半有石室去地百五十
餘丈爰有層松飾巖列柏綺望後人好古以爲子夏居
西河教授迹在於斯故是山俗又呼子夏山張守節史
記正義始舉西河郡謁泉山石室引隨國集記云此爲
子夏石室退老西河居此

魏王官在安邑縣西

舊通志古城縣西一里魏文侯築東西兩壘對峙韓信
擒魏豹於此

謹案戰國策魏惠王說於衛鞅之言先行王服乃身
廣公室制丹衣柱云云魏都安邑惠王之宮故當在
此今運城后土祠石柱其故物也以爲文侯及魏豹
遺蹟者誤辨詳國都下

中都故宮在平遙縣西南

水經注侯甲水又西北逕中都縣故城南城臨際水湄漢
文帝爲代王都此武帝元封四年上幸中都宮殿上見光
赦中都死罪以下

首山宮在平濟縣南萬歲宮在滎河縣北

漢書武帝紀元封六年春作首山宮又宣帝紀神爵元年
行幸河東祀后土詔曰東濟大河天氣清靜神魚舞河幸
萬歲宮神爵翔集 地理志河東郡蒲反有首山祠 三

輔黃圖汾陰有萬歲宮 太平記蒲州寶鼎縣萬歲宮在縣北九里漢宮也

羊腸倉在嵐縣根倉湮倉在安邑縣家馬廐在太原縣白登臺在大同縣東單于臺在薩拉齊廳北

水經注汾陽縣漢立屯農積粟在斯謂之羊腸倉山有羊腸坂在晉陽西北石陘縈紆若羊腸焉故倉坂取名矣漢永平治呼沱石曰河自都慮至羊腸倉將懸汾水以漕太原用實秦晉苦役連年轉運所經凡三百八十九陘死者無算羊腸卽此倉也 漢書地理志河東郡有根倉湮倉太原郡有家馬官臣瓚曰漢有家馬廐一廐萬匹時以邊表有事故分來在此家馬後改曰桐馬也 水經注如渾水南逕白登山西服虔曰白登臺名去平城七里如渚曰

平城旁之高城若邱陵矣今平城東十七里有臺卽白登臺也臺南對岡阜卽白登山也故漢書稱上遂至平城上白登者也寰宇記白登臺在雲中縣東北三十里又引其在今大同府西二十八里後魏平城亦在今府城西徧故所言距城遠近各異雲中郡志白登臺漢高被圍處一在城東七里一在城北百餘里要以城北者爲正今隸陽高然隸陽高者乃白登堡元之白登縣也在漢爲高柳地非平城當一元和志單于臺在雲中縣西北四十里字記作從如說西北四百二十里漢武帝元封元年勒兵十八萬騎出長是也志文偶脫誤

城北登單于臺卽此也

宿鳳臺在鳳臺縣北

舊通志縣北四十里李村相傳晉太始元年鳳集高都之北

友于堂在芮城縣南

舊通志縣南三十里晉大安中縣民李亨昆建

郭璞書堂在聞喜縣南

舊通志縣南六十里湯寨北秦王寨東南三澗中懸岩石室嵒研洞豁縱橫丈餘中有石硯洞上懸泉時滴之壁有古字難辨相傳爲璞讀書處

平水故宮在臨汾縣西

太平記平水園云平陽故縣西南十五里有平水卽晉水

也其旁有故城宮闕基地皆劉聰遺基

宋晉書載記聰所居有光極殿彘斯

則百堂東宮西宮又聰爲劉后娥起鸚儀殿陳元達進諫聰怒欲殺之聰在逍遙園李中堂娥手書上言聰納之更名園曰納賢園

堂曰愧賢堂

北魏宮闕在大同府

遼志西京大同府元魏宮垣占城北面雙闕尙存

天文殿天華殿中天殿紫極殿天安殿昭陽殿雲母堂金華堂元武樓涼風觀西宮西武庫並道武帝建

魏書太祖紀天興元年七月定都平城始營宮室十月起天文殿十二月臨天文殿太尉司徒進璽綬咸稱萬歲大赦改元二年七月起天華殿八月作西武庫三年七月起中天殿及雲母堂金華堂四年五月起紫極殿元武樓涼風觀六年十月起昭陽殿天賜元年九月御昭陽殿受朝十月築西宮六年四月雷震天安殿 太宗紀永興元年十二月始居西宮御天文殿四年幸西宮臨板殿秦常八年廣西宮起外牆周回二十里

白樓明元帝建又有白臺遙臺及朱明閣

水經注皇信堂南對白臺臺甚高廣臺基四周列壁闕道

自內而升國之圖籙祕籍悉積其下臺西卽朱明閣直侍之官出入所由也其水夾御路南流逕蓮臺西魏神瑞三年又建白樓樓甚高竦加觀榭於其上表裏飾以石粉罔耀建紫赭白綺分故世謂之白樓也後置大鼓於其上晨昏伐以千椎爲城里諸門啟閉之候謂之戒晨鼓也郡國志後魏納姚女爲后悲思故國造此樓登望飾以鉛粉故名秦明元后姚氏後秦主姚興之女太平記以樓在朔州誤魏書文成李后傳高宗登白樓望見后美之遂得幸於齋庫中

萬壽宮永安殿安樂殿臨望觀九華堂東宮北宮並太武帝建

魏書世祖紀始光二年三月替故東宮爲萬壽宮起永安安樂二殿臨望觀九華堂九月二殿成大饗以落之延和

元年七月築東宮三年七月成備置屯衛三分西宮之一
太平真君十一年二月大作宮室皇太子居於北宮 又
太祖紀天賜四年七月築北宮垣三旬而罷 水經注如
渾水今城外 又南逕北宮下舊宮人作薄所在
太華殿壽安宮並文成帝建

魏書高宗紀太安四年三月起太華殿九月成大饗羣臣
又和平元年保太后常氏居壽安宮

崇光宮又曰甯先宮獻文帝所居又有平城紫宮

魏書顯祖紀皇興五年徙御崇光宮採椽不斲土階而已
延興三年正月改崇光宮爲甯先宮 高祖紀皇興元年
八月生平城紫宮神光照室 水經注太和殿之東北接
紫宮寺南對承賢閣又如渾水又逕甯先宮東獻文帝之

爲太上皇所居故宮矣宮之東次下有兩石柱是石虎鄴城東門石橋柱也

太和殿安昌殿坤德六合殿乾象六合殿思義殿經武殿太極殿及七寶永安行殿東明觀皇信堂宣文堂永樂宮朱明門思賢門並孝文帝建

魏書高祖紀承明元年十月起七寶永安行殿太和元年正月起太和安昌二殿七月起朱明思賢門三年正月坤德六合殿成四年正月乾象六合殿成七月改作東明觀九月起思義殿七年九月皇信堂成十二年八月起宣文堂經武殿十五年正月始聽政於皇信堂東室置左右史官十六年正月饗羣臣於太華殿頒賜皇詰臨思義殿策高孝秀二月移御永樂宮壞太華殿經始太極殿十月殿

成大饗羣臣十一月依古六寢權制三室以安昌殿爲內寢以皇信堂爲中寢 水經注太和十六年破安昌諸殿

案別本作太華安昌諸殿載氏校本刪太華字與魏書不合似安昌二字當衍

造太極殿東西堂

及朝堂夾建象魏乾元中陽端門東西二掖門雲龍神虎諸門皆飾以觀闕

謹案元魏宮殿以水經注核之在故平城之西於今

城爲西北也惟甯先宮在東

都城之東爲豐宮白登宮太學東苑鹿苑臺

魏書帝紀天興二年以所獲高車衆起鹿苑於南臺陰北距長城東包白登屬之西山廣輪數十里四年起石池鹿苑臺神瑞元年起豐宮於平城東北六年三月發京師六千人築苑起自舊苑東包白登廣輪數十里泰常四年九

月築白登宮七年秋八月詔太平王率百國以法駕田於東苑始光三年起太學於城東

其西爲西苑洛陽宮鳳臺

帝紀泰常三年十二月起西苑神瑞三年十月築宮於西苑水經注武州川水自山口枝渠東出入苑溉諸園池苑有洛陽殿殿北有宮館

舊通志鳳臺在城內西北隅左右二臺各高數丈元大德十一年地震圯其左延祐間右臺亦圯今名鳳臺坊

疑卽蓮臺魏紀在苑水經注在白樓西北地蓋相接

其南爲明堂靈臺辟雍又有白臺南宮

魏書帝紀泰常二年築白臺於城南高二十餘丈神廡三年幸南宮獵於南山太和十年詔建辟雍十五年四月經

始明堂十六年正月明堂禮成遂升靈臺以觀雲物降居
青陽左个 水經注如渾水自北苑南出歷京城內河干
兩湄太和十年累石結岸夾塘之上雜樹交蔭郭南結兩
石橋橫水爲梁又南選藉田及藥圃西明堂東明堂上圓
下方四周十二堂九室而不爲重阿也室外柱內綺井之
下施機輪飾縹碧仰象天狀畫北道之宿焉蓋天也每月
隨斗所建之辰轉應天道此之異古也加靈臺於其上
則引水爲辟雍水側結石爲塘事準古制是太和中之所
經建也

其北爲北苑有永樂宮游觀殿蓬臺宮神淵池又北爲方山
有永固室靈泉殿鑿元殿

帝紀永興五年二月穿魚池於北苑泰常二年築蓬臺四

年築宮於蓮臺太和元年九月起永樂遊觀殿於北苑穿神淵池二年四月祈雨北苑三年六月起文石室靈泉殿於方山五年四月行幸方山建永固石室於山上十九年九月癸酉謁永固陵夜宿鑿元殿甲戌還永樂宮、水經注如渾水亂流逕方山南嶺上有文明太皇太后陵陵之東北有高祖陵二陵之南有永固堂堂之四周隅雉列榭階欄楹及扉戶梁壁椽瓦悉文石也院外西側有思遠靈園園之西有齋堂南門表二石闕闕下斬山累結御路下望靈泉宮池皎若圓境矣如渾水又南至靈泉池枝津東南注池南面舊京北背方嶺左右山原亭觀秀峙方湖反景若三山之倒水下如渾水又南逕北宮下舊宮人作薄所在如渾水又南分爲二水一水西出南屈入北苑中歷

詣池沼又南逕虎園東太平真君五年成之以牢虎也

灤南宮在山陰縣北

帝紀天賜三年六月築灤南宮門闕高十餘丈引溝穿池

廣苑圍規立外城方二十里經塗洞達又泰常五年四月

起灤南宮

案地在夏屋山北黃瓜阜南水經注所謂桑乾郡者蓋遷洛後嘗置郡也

石亭白狼堆故宮繁峙宮並在應州境

水經注灤水又東北逕石亭西蓋皇魏天賜三年之所經

建也灤水又東北逕白狼堆南魏烈祖道武皇帝於是遇

白狼之瑞故斯阜納稱焉阜上有故宮廟樓榭基雉尙崇

每至鷹隼之秋羽獵之日肆閱清野爲升眺之逸地矣

魏書太祖紀天興元年二月車駕自中山幸繁峙宮

溫泉宮在涇源州東南

帝紀高宗興光元年十二月幸靈邱至溫泉宮

水經注處水又東合

溫泉水出西北隘谷其水溫熱若湯能愈百疾故世謂之溫泉焉案今湯頭灣在渾源州東南九十里

御射臺隘門倉並在靈邱縣

元和志靈邱縣御射臺在縣南一十八里水經注云靈邱

縣有御射臺臺南有御射碑

詳見金石記

隘門山亦曰隘口今

時爲河在縣東南一十五里壁立直上層崖刺天有古

道後魏明元帝於此置義倉之所

水經注滌水自縣南流入峽謂

之其水沿河西轉運御射臺南有御射石碑南則秀嶂分

上其水沿河西轉運御射臺南有御射石碑南則秀嶂分

雲中宮在托克托廳東盛樂宮在和林格爾廳北豺山宮九

十九泉石亭在甯遠廳界阿計頭殿在歸化城廳西北廣德

殿在薩拉齊廳東北馬射臺一在甯遠廳北一在豐鎮廳東

北柞嶺壇在清水河廳西

魏紀昭成帝建國三年移都於雲中之盛樂宮太祖天興

六年七月北巡築離宮於射山縱士校獵天賜三年正月

校獵至屋孤山四月幸射山宮遂登定襄角史山八月幸

射山宮遂至青牛山五年正月行幸射山宮遂如參合陂

是年緡蟻犯塞入自參合陂南至射山及善無北澤

案以紀中所歷之地參考之射山當在甯遠廳南天賜

三年八月行幸射山宮遂至青牛山西登武要北原觀九

十九泉造石亭太宗永興二年五月車駕幸參合陂七月

立馬射臺於陝西講武教戰世祖始光三年六月幸雲中

舊宮謁陵廟七月築馬射臺於長川帝親登臺走馬四年

七月築壇於柞嶺戲馬馳射太平眞君三年六月南秦王

楊難當朝於行宮先是起殿於陰山之北殿始成而難當

至因名曰廣德焉

魏土地記雲中城東八十里有成樂

城今雲中郡治

成樂卽盛樂倚盧什異健皆都於此故名盛樂宮又以雲中郡治所在故魏紀亦云

雲中之

盛樂宮雲中宮在雲中縣故城東四十里

魏紀亦稱太室明元帝泰常五

年七月西至於五原幸雲中太室是也宮有靜室穆壽傳世祖征涼州行次雲中將濟河宴諸將於宮世祖別御靜室是也其故址在今和林格爾托克托兩

應界正漢之雲中定襄二郡適中地也水經注白道

中溪水發源武川北塞中南流逕武川鎮城西南流歷谷

逕魏帝行宮東世謂之阿計頭殿宮城在白道嶺北阜上

其城圓角而不方四門列觀城內惟臺殿而已寰宇記郡田貴山郡

國志後魏行宮在此塞水出懷朔鎮東北荒中南流逕廣

山俗曰何頭殿也德殿西山下余以太和十八年從高祖北巡屆於陰山之

講武臺自臺西出南上山山無樹木惟童阜耳卽廣德殿

所在也其殿四柱兩夏堂宇綺井圖畫奇禽異獸之象殿

之西北便得焜煌堂雕楹鏤桷取狀古之温室也

樓煩宮在甯武府

方輿紀要漢置樓煩縣屬雁門郡晉及後魏皆爲牧苑地後魏文成帝和平六年如樓煩宮蓋地近平城往往遊獵於此也

居士臺在定襄縣

舊通志縣東南二十五里居士山石室有古碑云魏武定四年任城王居士室臺因以名山

詳金石記

北齊建宮晉陽後爲大明宮有宣光建始嘉福仁壽宣德崇德大明七殿德陽萬壽二堂又有南宮及十二院其北爲元德門又北爲元武樓

魏紀孝靜帝武定三年齊武獻王言并州軍器所聚勳須女功請置宮以處配沒之口於是置晉陽宮、北齊書天

統初世祖在晉陽既居舊殿少主未有別所詔給事黃門侍郎馮子琮監造大明宮宮成世祖親自巡幸怪其不甚宏麗子琮對曰至尊幼年築承大業欲令敦行節儉以示萬邦兼此北連天闕不宜復過崇峻世祖稱善天保元年十月帝御金輅入晉陽宮朝皇太后於內殿十年九月太子殷卽位於晉陽宣德殿皇建二年十一月武成至晉陽發喪於崇德殿卽皇帝於南宮改元大甯後主天統三年以晉陽大明殿成大赦文武百官進二級免并州太原一郡來年租又於晉陽起十二院壯麗踰鄴下

相國府尚書省上黨坊五龍門雙堂柏堂六府並在太原縣北史魏孝武永熙元年并州平高歡遂據晉陽建大丞相府居焉齊文宣天保元年赦相國府獄囚文宣帝將受禪

時訛言上黨出聖人帝聞之將徙一郡張思進上言殿下
生於南宮坊名上黨卽是上黨出聖人帝悅而止後主天
統五年詔以并州尙書省爲大基聖寺武平七年後主夜
斬五龍門而出 周武帝建德六年幸并州廢并州宮及
六府

舊通志雙堂在東城北文宣帝故第柏堂亦帝建

避暑宮在太原縣西山涼堂飛梁望川亭難老泉亭善利泉
亭寶墨堂清華堂並在晉祠

水經注晉祠水側有涼堂結飛梁於水上

舊通志太原縣西南二十里北齊神武避暑處俗稱皇
家宅明周文端經題天龍洞詩齊主宮存避暑基縣志
避暑宮有二一在蒙山上世傳劉薛王避暑寨一在天

龍山址存又葦谷山有避暑宮齊天保二年復賜名仙巖寺又文宣帝避暑宮名柏堂又望川亭在晉祠懸壺山明高汝行重建記云亭建自天保址微存難老泉善利泉二亭亦天保中建又有寶墨堂清華堂在晉祠池上

晉陽治泉部局在太原縣大邗局在陽曲縣原仇局在孟縣白澗局在陽城縣

隋書百官志齊諸冶並設丞東道有武安溢口白澗三局西道有晉陽治泉部大邗原仇四局皆隸太府

白澗嶺唐地理志澤州有白澗府

白澗水經注洩澤水

後周蒲州宮鶴雀樓並在永濟縣

北史周武帝宣政元年三月於蒲州築宮

蒲州府志鶴雀樓在城西河洲渚周宇文護建唐李翰有序云宇文護鎮河外之地築爲層樓遐標碧空倒影洪流二百餘載獨立乎中洲以其佳氣在下代爲勝概唐世諸公尤多題詠至金明昌時尙存有河中府錄事李達書樓額元王憚登鶴雀樓記云雖傑觀委地昔人已非而河山之偉風煙之勝不殊於往古是元初樓已就毀舊志云明時故址尙可按後盡泯滅或欲存故址以西城樓寄名鶴雀

隋晉陽宮在太原縣汾陽宮在甯武縣

隋書帝紀大業三年八月車駕次太原詔營晉陽宮四年四月詔於汾水之源起汾陽宮遂營建宮室環天池之上並築樓煩城元和志太原府大明城隋文帝更名新城

煬帝更置晉陽宮城高四丈周迴六里又嵐州靜樂縣隋汾陽故宮在縣北一百二十里 太平記隋大業四年帝

北巡至五原夏四月勅於汾州北四十里於臨汾水起汾

陽宮卽管涔山汾河源所出之處當盛暑之時臨河盥漱

卽涼風凜然八九月其地多雨經夏罕晴一日之中倏忽

而晴晴雨未曾經日雖高嶺千仞嶺上居人掘地二三尺

深卽有清泉湧出 大業拾遺記十年四月幸汾陽宮避

暑案隋紀作十一年又此記以起汾陽宮在大業二年亦與史異宮城迫隘百官士卒布

散山谷上有山名管涔高百千仞上干霄造亭子十二

所其最上名翠微亭次闐風彩霞臨月飛芳積翠合璧含

輝凝碧紫巖澄景最下名尙陽亭亭內皆縱廣二丈四邊

安劍欄每亭繡方尺榻子一合上下皆有臨汾殿敕從官

縱觀

舊通志汾源宮甯武縣西北六十里隋煬帝立汾源宮
大業十三年劉武周陷樓煩據汾陽宮卽此汾陽宮城
周六里四十一歩明卽舊址改建甯化守禦所又林溪
故宮靜樂縣北一百五十里隋煬帝避暑建離宮金天
會間改萬壽寺

謹案隋宮故址自在甯武西南六十里汾河源間舊
志誤西南爲西北又徑改爲汾源宮殊謬至以甯化
所爲汾陽宮城不知乃當時樓煩郡治之舊汾陽縣
元和志所謂伏戎城也樓煩郡治靜樂隋志靜樂舊
曰岢嵐開皇十八年改爲汾
源大業四年改焉案大業拾遺記於汾陽北四十里
起汾陽宮太平記作汾州北四十里其汾陽州皆
當作汾源緣大業改縣爲靜樂唐初復改爲汾陽記
作於唐人故舉當時縣名以便屬詞也元和志伏戎

城在靜樂縣北四十里隋樓煩郡所理是縣其林溪廢後又名伏戎其地則確爲今之甯化司矣

山爲汾河之別源蘆芽之支峯謂之離宮亦出附會

汾河凡三源樓子山卽古燕京山爲管岑之正峯其中源也林溪山龍眼泉天池之木潛流通注其東源也元和志揚帝嘗於池南置宮每夜風雨吹破竟不成者池在甯武府西南三十里靜樂縣北百五十里

避暑樓在永濟縣常平倉在平陸縣

舊通志中條山棲巖寺避暑樓隋建又平陸縣常平倉開皇二年置募人能於洛陽運米四十石經砥柱之險達於常平者免其征戍

文中子講堂在鄉甯縣南

舊通志在黃煩山王績遊北山賦北岡之上東巖之前

講堂猶在碑書宛然案卽縣志讀書祠也在縣南九十里

唐受瑞壇起義堂號令堂乾陽樓山亭柏堂偃松坊並在太

原縣縣北有講武臺有飛閣西有龍泉亭又晉祠有環翠亭
元和志受瑞壇在州理倉城中義旗初高祖神堯皇帝受
瑞石於此文曰李理萬吉起義堂在乾陽門街貞觀二十

年太宗幸并州所置

唐志晉陽縣有號令堂高祖誓義

師於此西北十五里有講武臺飛閣顯慶五年築

案唐晉陽縣在

州治南二里其太原縣在汾水東爲東城起義堂不見於志疑卽號令堂舊通志謂在汾東非也姑並存之

舊通志乾陽樓貞元十一年太原監軍王定遠謀殺節

度李自良不克走登乾陽樓夜墜城逸

案當卽乾陽門樓

山亭

在西城上張宏靖爲太原節度有山亭懷古詩判官韓

察高銖副使崔恭掌記崔公信及陸灑胡證張寅胥有

和詩石刻

宏靖詩有叢石依古城懸泉瀾清池句

柏堂北平王馬燧建偃

松坊薛能并州詩坊號偃松人在否餅鑪南畔曲西頭

龍泉亭舊唐書盧簡求子汝弼爲河東節度副使府有龍泉亭簡求節制時手書詩一章在亭之西汝弼復爲亞帥每亭中譙集未嘗居賓位西向俯首而已案龍泉西北十里開化寺南白香山有和裴令公上巳日遊龍泉池詩又有和令公開龍泉晉水二池詩

青城宮萬年顛在太谷縣

舊通志青城宮在洛漠城唐明皇幸太原時建萬年顛縣西北十里舊名龍泉顛晉陽記開元十年幸太原次龍泉顛時北都留守杜暹奏曰龍泉地主姓唐名萬年字表天長顛符國號改爲萬年顛帝從之

銅源錢坊翔皋錢坊並在翼城縣東池義倉在岳陽縣

唐志翼城錢坊二

案翔皋山在縣東南卽絳高之轉聲也

太平記岳陽縣東

池堡在縣南三十三里堡中見貯義倉

飛龍宮聖瑞閣德風亭興唐宮寢堂金橋並在潞安府

唐志上黨有啟聖宮名飛龍元宗故第開元十一年後又
更名聖瑞閣

舊通志飛龍宮在子城內一名啟聖宮唐元宗別駕潞
州故第開元十一年將幸太原次潞州於故第置啟聖
宮後改名飛龍宮明皇過故宮有詩張說有上黨舊宮
述聖頌聖瑞閣在飛龍宮西元宗在潞州州中獻瑞者
前後十有九後踐位潞人獻瑞應圖遂建開賜名聖瑞
閣成白鶴來翔張九齡撰聖應圖贊德風亭在郡治後
唐元宗建西有輦道接看花梳洗樓今名遊嶺宋徽宗
爲節度重葺元廉訪使王思誠地曹侍郎熊戴俱有詩
興唐宮潘炎童謠賦序云景龍二年九月後常有童謠

云羊頭山作朝堂郡南六十里有羊頭山今與唐宮卽當之矣又寢堂紫氣賦序景龍三年十月帝還京後州內所居寢堂上有紫氣七日不散金橋城南二里玉海唐景龍三年童謠聖人執節度金橋十月二十五日元宗由此朝京師潘炎著金橋賦并序

北樓在澤州府

舊通志陳子昂登澤州城北樓有詩

逍遙樓白樓綠莎廳芳醞監並在蒲州府

舊通志江鄰幾志唐太宗題河中逍遙樓詩昔乘四馬

去今騎萬乘來

蒲州府志在北城不知何時建唐明皇登此有詩

白樓盧仝有

九日奉陪侍中宴白樓詩九日奉陪令公登白樓同詠菊詩楊巨源酬盧員外詩舜城風土臨清廟魏國山河

在白樓

案令狐楚有白樓賦
府志疑卽舊樓非

綠莎廳唐河中府泊芳園

監唐志汲河以釀武德三年置貞觀十年廢

率祗宮在榮河縣北

蒲州府志唐開元十一年祀汾陰所建行殿也

司空別墅所營亭室有三詔堂九箭室證因室擬繪亭修史
亭休休亭覽照亭瑩心亭東渠亭在虞鄉縣南又費君書院
亦在縣境

宋虞鄉令樂抗司空隱居記中條山中有仙人別墅擅

林泉邱壑之秀堂室亭宇環列左右 司空圖山居記

云谷之名本以王官廢壘在其側今以司空氏易之爲

貞陵谿亦曰貞貽溪曰愚以家世儲善之佑集於厥躬

乃刻像大悲跏新構於西北隅其亭曰證因證因之右

其亭曰擬繪志其所著也

案國有擬繪秘史

擬繪之左其亭曰

修史勛其所職也西南之亭曰濯纓濯纓之窗曰一鳴

皆有所警堂曰三詔之堂室曰九籥之室皓其壁以模

玉川於其間備列國朝至行清節文學英特之士庶存

省激耳其上方之亭曰攬照懸瀑之亭曰瑩心皆歸於

釋氏以棲其徒又休休亭記云本濯纓也濯纓爲陝軍

所焚愚竄避踰紀天復癸亥歲蒲稔人安旣葺於壞垣

之中構不盈丈然遠更其名者非以爲奇蓋量其材一

宜休也揣其分二宜休也且毫而贖三宜休也而又少

而墮長而率老而迂是三者皆非救時之用又宜休也

蒲州府志唐時費冠卿讀書院在中條五老峯下樓

源有題書院詩

關雞臺在大同縣北槽臺在朔州馬邑鄉

舊通志關雞臺在奚望山遼志乾符三年雲中守捉使李克用偕程懷信等募士萬人趨雲中次關雞臺卽此朔平府志槽臺在城內西北隅高四丈餘相傳唐李靖所築

紫泉監在解州龍池宮在交邑縣集津倉鹽倉並在平陸縣雁歸亭在鹽石縣

唐志解縣有鹽池有紫泉監交邑龍池宮開元八年置又

陝州平陸縣三門西有鹽倉東有集津倉食貨志開元二十一年裴耀卿置唐高壁鎮通濟橋神鎮有亭曰雁歸鮮金石記

北漢勤政閣府廡沙河門樓大夏門並在太原縣

十國春秋北漢少主劉繼恩嗣位服縗裝視事殿處居勤

政闕而孝和帝故執事百司宿衛皆在太原府廨 宋史
太平興國四年以榆次縣爲新并州築新城上幸城北御
沙河門樓盡徙餘民於新城以行宮爲平晉寺 元好問
過晉陽故城書事汾流決入大夏門府治移著唐明村
宋籌邊樓愛月亭在今會城城外有安武堂良宴亭杖華堂
彤霞閣西照亭水心亭

舊通志籌邊樓在府治內愛月亭在府治東宋端明殿
學士馮京守太原時建安武堂在府治西下臨汾河宋
時春秋仲月閱武於此良宴亭在府城東建以宴客城
西一里汾隄之東宋天禧中陳堯佐知并州因汾水屢
漲爲築隄周五里引汾水注之旁植柳萬株中有杖華
堂堂後通芙蓉洲隄上有彤霞閣每歲上巳太守泛舟

郡人遊觀焉久圯於水案形霞閣陳堯佐建杖華堂肆絳韓縠相繼守太原時建又有四照亭水心亭

汾東行宮統平殿並在太原縣東思政堂在榆次縣

宋史帝紀太平興國四年四月庚午帝次太原駐汾東行宮禮志太宗取劉繼元於并州是太平之統也皇祐五年卽崇聖寺殿名曰統平奉安太宗御容嘉祐元年統平殿災諫官范鎮言并州素無火災自建神御未幾而輒焚天意若曰祖宗御容非郡國所宜安奉者近聞下并州復加崇建是徒事土木重困民力非所以答天意也自并州平七十七年故城父老不入新城宜寬其賦輸緩其徭役以除其患使河東之民不忘太宗之德則陛下孝思豈特建一神御殿者哉

舊通志榆次縣思政堂在縣治東宋宣和二年縣令李

諒建

稅駕堂在臨汾縣宜雨亭在洪洞縣河亭在翼城縣

舊通志稅駕堂在平陽府學大成殿後黃山谷書扁洪

洞縣宜雨亭在羅漢院宋至治時建楊柳影密雖雨亦

宜河亭文潞公令翼時所建臨城堞瞰滄溪遠挹山光

林木森布翼之勝概此亭爲最

案今名潞公軒在書院

飲亭望川亭瑞雲亭觀河亭玩月臺在永濟縣掛鶴臺在虞

鄉縣大甯宮朝覲壇穆清殿延慶亭在榮河縣

舊通志司馬溫公和邵不疑校理蒲十詩有飲亭亭有

流杯渠有湧泉石蒲州中條有望川瑞雲二亭城西黃

河岸有觀河亭並宋建玩月臺在古城東北隅相傳宋

金吾遊棲地掛鶴臺在王官谷內宋俞充詩高臺委荒
榛追想人如玉明呂柟遊王官谷記瀑布自天柱峯直
下而臺在其左旁鶴二月來五月生子去 榮河縣大
甯宮在蕭牆北宋眞宗有事於汾陰至寶鼎奉祇宮有
黃雲隨天書輦詔改奉祇宮爲大甯時又詔脩上后土
廟宜上額爲大甯正殿元祐中慶成軍使楊照重修撰
記朝覲壇宋祥符四年命王欽若撰朝覲壇頌祀后土
訖御朝覲壇受朝賀大赦賜天下醮三日穆清殿在大
甯宮內宋眞宗祀汾陰齋穆清殿既訖事大宴羣臣於
殿中延慶亭在大甯宮內新修祀汾陰記二月戊午齋
穆清殿召羣臣登延慶亭南望仙掌北瞰龍門

程子鄉校在澤州府

澤州府志宋治平間明道先生令晉城建鄉校七十餘
民間子弟親爲正句讀又立社學凡數十所

托邏臺在甯武府

舊通志在甯武關宋王侁使人望楊業處又有棗蓮臺

案甯武關卽今府城關口在城北二十里
陽方口彭兆謙托邏臺賦注臺在陽方口

駐蹕臺在沁州

沁州志宋祖征北漢駐此在東北郊外

頒詔亭擬江樓在保德州

舊通志亭在州東南坡宋熙甯間建擬江樓在州治北

城上俯瞰黃河宋建

潞浚亭迎薰閣在解州榜亭知足齋在夏縣涼軒待濟亭在

芮城縣

舊通志潺湲亭在州治宋有史氏父子相繼刺州建亭引水迎薰閣在南城上宋元祐間張杲之張覲俱有詩夏縣榜亭在坡底村溫公作相時飭其家人不得怙勢撓法揭榜於此有司爲之立亭又知足齋石刻溫手筆嵌祠堂壁間芮城縣涼軒在縣治內宋嘉祐間縣令吳登建河南李實作記待濟亭東三十里涇津渡北岸政和元年縣令邵伯溫建有記

遼西京宮垣在大同府其同文殿及國學故址存又有梳妝樓

舊通志遼金宮垣西門有二土臺蓋宮闕門也路寢之基猶存遼志重熙十三年建西京廣袤二十里設留守司衙南曰西省北門之東曰大同府北門之西曰大同

驛西京同文殿禮志常朝臣僚服幘頭袍笏公服紫衫
帽西京國子監在府治東南明洪武八年改府學梳妝
樓在城西北隅蕭太后常居此址存案大研二府所傳
蕭后遺址最多半
出傳會姑舉其一
於此餘不備書

龍首書院在應州其東爲一經樓武州八館今五寨偏關二
縣地也

舊通志書院在州西南選翰林學士邢抱璞建今儒學
卽其故址一經樓郎中邢建妻陳夫人教子讀書處選
列女傳陳氏甫笄通經義好吟詠時以女秀才名之歸
於建有六子陳氏親教以經後二子抱璞抱質皆以賢
位宰相 武州有八館地選置館舍於此宋靖康初夏
人因金人內侵乘虛取河外武州等八館地

金西京保安殿御容殿宮苑並在大同府

舊通志金西京大定五年名其門南曰奉天東曰宣仁
西曰阜城建宮室名其殿曰保安又建御容殿置闕門
使又有西京宮苑使

歲寒亭煙霞閣在浮山縣黃華亭在汾陽縣喜雨亭在平遙
縣鶴鳴堂在鳳臺縣萬松堂在陽城縣環勝樓四桂堂在蒲
州府叢桂窟翠屏書院在渾源州

舊通志浮山歲寒亭在縣東堯山祠中金皇統中縣令
牛承直建煙霞閣在天聖宮內金大定十七年建 汾
陽縣黃華亭在縣學泮池西貯黃華老人行書詩金翰
林修撰王庭筠嘗讀書黃華山寺因號焉父遵古爲汾
州判官省親至此 平遙縣喜雨亭縣署內大定十二

年縣令蘭嗣吉祈雨超山有應構此 鳳臺縣鶴鳴堂

城東南隅金狀元李俊民故居元世祖潛邸時徵之令

旨刻石又有睡鶴石其形類鶴 陽城縣萬松堂西北

四十里伏虎山金刺史楊廷秀記 蒲州府環勝樓金

李獻能有河中環勝樓感懷樂府四桂堂李獻能貞祐

三年進士第一從兄獻卿獻誠從弟獻甫相繼擢第故

李氏有四桂堂 渾源州金劉摛至其曾孫登進士者

若汲若仲澤仲瀛若侃若儼若從益從禹共八人嘗求

書八桂堂於趙閒閒趙口君家豈止八桂書叢桂窟歸

之翠屏書院州南七里翠屏山金狀元劉摛右丞蘇保

衡講學處

汾雲樓湧泉亭在平定州東龕桂軒留月軒野史亭在忻州

聖車亭在定襄縣南樓阜通監瑞柏堂在代州此君軒虛白
軒萬卷樓在崞縣安西樓在保德州榮鄉亭在河曲縣無邪
堂慶安亭在絳州清榭菊軒在稷山縣觀河亭在垣曲縣寒
翠軒在趙城縣

舊通志平定州湧雲樓治東北角趙秉文更名爲環翠

撰記云樓枕古榆關下建十丈旗表以五筵廣三之二

宿閣軒豁左挹土門右控大鹵太行倚之羣山迤之又

環翠樓詩山川樓外布井邑掌中看

案趙作湧雲樓記見滏水集而舊志

謂趙改湧雲爲環翠侯考湧泉亭州南三里大定三年刺史趙秉文

建忻州元德明讀書處在繫舟山東巖趙秉文詩山

頭佛屋兩三間山勢相連石嶺關名字不經從我改便

稱元子讀書山

元遺山詩從此晉陽方志上繫舟山是讀書山又遺山有讀書山東麓詩又

金王萬鍾有題元氏桂軒詩又元好問有留月軒詩野
史亭在州南十里韓巖村元遺山纂金史築亭定襄縣
聖阜亭縣東北二十聖阜山元好問詩危亭何日駕晴

空 代州南樓元好問詩鳳山可是生來巧堪與南樓
作畫屏金趙可亦有代州南樓樂府又看花臺在城西
南二百步蓮池旁上建高樓阜通監金大定十八年立

監鑄錢二十年名曰阜通 崞縣此君軒在銅川金毛

端卿有題崞縣郝子玉此君軒詩按子玉名侯金翰林

學士縣志云郝隆建者誤 案郝侯陽曲人時為河東北

曹蓋轉運 虛白軒在神清觀後金行省員外郎王樸建

駐崞縣也 萬卷樓金武伯英建 絳州南園有無邪堂快軒金正

隆二年觀察韓子端有記慶安亭在州治內金大定二

平鄉人孫鏗有記 稷山縣清樹金相張萬公有戊戌
二月中旬登稷山清樹詩菊軒元段成已建學者稱菊
軒先生又有醒心亭亦成已建案二段未嘗仕元舊志以爲元人非垣
曲縣觀河亭在中條山尾洪慶觀下臨黃河前有碑題
天上來三字金大定九年建 代州志趙秉文有代郡

張氏瑞柏堂詩

元清音亭待旦軒在臨汾縣故關冶訓義門翠雲亭在襄陵
縣玉香亭在太平縣太平館在曲沃縣瞻遠亭在翼城縣還
山亭觀稼軒藏書樓在長治縣粹經樓在長子縣涼樓在襄
垣縣益國鐵冶在汾陽縣晚香堂在平遙縣清風亭在陽城
縣讀易龕在沁水縣廣勝庫在大同縣利國冶在懷仁縣歸
潛堂退藏齋在渾源州

舊通志臨汾縣清音亭西北平水上龍子祠前元毛廔
康澤王廟碑邑宰王公增葺溪上舊亭顏曰清音取選
詩山水有清音之義明張昌詩清音亭上春無限且放
滄浪入管絃待旦軒在府治內元判官王憚建 襄陵
縣故關鐵冶在京安鎮元設提舉司訓義門縣東張相
村蒙溪先生張著撰記翠雲亭在縣治西玉香亭縣南
三十五里金火廟前延祐三年鐵冶都提舉滕世榮建
案故關鎮屬太平
爲府以前縣故治 曲沃縣太平館元時建新榮劉尙質
觴詠地 翼城縣瞻遠亭在縣治元僉事安止普扁明
提刑郭桓撰記 長治縣還山亭元皇慶初平章李孟
歸葬父忠獻公作亭塋側觀稼軒在五龍山元郡守張
菊軒建藏書樓在郡學金大定中當作元知州蓋善建

疎晉萬一千五百二十卷有揚仁風記 長子縣粹經

樓在安懷坊至正間隱士王綱建 襄垣縣涼樓元成

此其將建樓避暑址存 平遙縣晚香堂元杜文定思

敬築有詩 陽城縣清風亭在東關青陽坊北下有玉

泉元丞相脫脫子禿必仄建 沁水縣讀易龕元王恂

被藩府檄伐石於此公暇讀書 大同縣廣勝庫元置

掌平陽太原所造兵器以給北邊 懷仁縣利國鐵冶

西二十里清涼山 渾源州歸潛堂劉祁壬辰還鄉里

躬耕自給築室榜曰歸潛壁間書張橫渠東西二銘自

撰記作歌陳時可又爲作銘退藏齋元進士雷發建

雲日樓知樂亭在平定州凌雲臺在忻州棠棣堂餘慶堂鈞

魚臺在定襄縣迎翠樓在繁峙縣集古堂在絳州讀書堂在

稷山縣

舊通志平定州雲日樓州西北十五里陽泉村元仁宗自懷孟來過此呂思誠撰碑知樂亭州北八里郝湫上歐陽元有記忻州凌雲臺在東門外磨臺上元李中立詩誰見凌雲清況處夜涼空翠溼闌干定襄縣棠棣堂周元帥獻臣宅元好問詩來遲不及西堂宴猶想分香入棣華餘慶堂亦周元帥宅元好問詩五年霜戟照康莊萬里春風擁畫梁釣魚臺在聖阜山下李子敬釣隱處繁峙縣迎翠樓在市場口元時建絳州集古堂至正初絳帖碑石多散失州守李公求之復其什之八九序列於集古堂稷山縣讀書堂元段輔建元統三年平章西園書扁歐陽應丙撰記

明雄風樓寶賢堂在會城城外有浩然堂有鎮河樓靜修閣
在徐溝縣大中樓在臨汾縣白石樓在曲沃縣特思堂在襄
垣縣金井樓在平遙縣石樓在沁水縣陽和臺在陽高縣

舊通志雄風樓明甯化王建王明甫有詩寶賢堂舊在

晉府浩然臺在東關延壽寺後上有楊宗氣王好問詩

鎮河樓舊在水西關真武廟後有樓二楹相傳樓下有

鐵牛靜修閣在高白鎮清源鄉地屬徐溝縣明成化中樂籍文李

氏習禪於樓上以處子終閣東南有孝感樓臨汾縣

河山一覽樓一名大中樓在城中洪武初國子助教張

昌區其西曰河山一覽後人取以爲名曲沃縣白石

樓在景明白水兩村間明李鎮構於白石山有西溪白

雲洞翠微岩桃花塢諸勝縣亭林嘗居此見年譜襄垣縣特思

堂劉文安公建有記 平遙縣金井樓在縣中街下有井水色如金 沁水縣石樓在縣南山二里半明戶部尙書李瀚自號石樓居士 陽高縣陽和臺卽北城上建殊壯麗

凝道軒在和順縣吉祥樓在代州流丹亭臨旦閣並在河津縣

舊通志和順縣凝道軒看山樓王雲鳳建見虎谷十八詠 代州吉祥樓明熹宗時趙南星請戍代州儼居小樓顏曰吉祥又埽除土室顏曰味藥 河津縣流丹亭在龍門山鑿山構閣中置井牀輾汲水於河一名水樓臨旦閣又名看河樓薛文清龍門記頂有臨旦閣壁石爲之倚閣俯視大河奔湍三面觸激石峯疑若招

右歷代宮室

坵墟里

龍馬負圖處在榮河縣

舊通志世傳城南十里河崖上爲龍馬負圖處土設白

馬神祠有碑今移置學宮尊經閣中侯握河紀注龍馬

圖困學記聞歐陽公以河圖洛書爲怪象馬故云馬

於易著於論語不可誣也南豐曰以非所習見則果於

以爲不然是以天地之變爲可盡於耳目之所及亦可

謂過矣蘇曾皆歐陽公門人而議論不苟如此及若

璩曰鳳鳥河圖皆爲帝王盛世之應故禮以天之青鸞

地之禮泉山之器車與馬屬並言書與兌之戈和之弓

垂之竹矢一時而並陳原不必定伏義時出

女媧鍊石處在平定州一在鳳臺縣

舊通志州東五十里東浮山上明陸深浮山遺竈記鍊

石竈尙存山多產石炭勝他處而所產諸色石亦可燒

鳳臺縣媧皇窟在城東浮山北谷中相傳鍊石處崔

伯易感山賦序太行一名皇母一名女媧

神農嘗穀處在長子縣嘗藥處在太原縣

地形志羊頭山下神農泉北有穀關卽神農得嘉穀處述
異記太原神釜岡有神農嘗藥之鼎存焉

黃帝鑄鼎處在永濟縣

史記封禪書黃帝採首山之銅鑄鼎上升

案首山卽雷首也漢紀武帝元

封六年作首山宮蓋慕黃帝遺蹟古今注云世稱黃
帝鍊丹於黎硯山首山之名最歧鑿硯或其別稱歟

倉頡造字處在臨汾縣

舊通志倉頡宅在南關西今西趙村

謹案倉頡之說不一稱蒼帝者有春秋元命苞春秋

河圖揆命篇河圖玉版河圖說徵洛書說河諸書稱

史皇者有世本丹壺記呂氏春秋淮南鴻烈諸書惟
宋衷世本注王充論衡傅元傅子書皇甫謐帝王世
紀衛恆書勢諸家謂爲黃帝史官然攷管子韓非子
國語史記皆無史官之說而崔瑗草書勢蔡邕篆書
體許慎說文解字成公綬隸書體徐整三五歷記顧
野王玉篇張楫廣雅繁欽硯銘以及曹植索靖皆以
爲古之帝者誠可依據若劉恕通鑑外紀並存古皇
史官二說以爲兩人則模稜之見也孝經援神契宋
均三皇本紀注止稱倉頡象洛龜而作書並不言何
時人及爲帝爲臣實不免疏漏之譏今斷以古皇爲
準且其爲文字之祖則舉無異議作書之地亦無攷
漢碑在陝西白水縣東北五十里史官村而今臨汾

縣西趙村則有倉頡故宅不知何據因其傳已久姑存之爾路史以爲在陽武終葬衛之利鄉南陳留風俗傳太康地道記輿地志皆以爲在開封東北而臨汴元豐九域志以爲在鳳翔若皇覽及元和姓纂以爲在馮翊或據漢碑而言而舊志又云元和郡縣志洪洞縣倉頡司曠城倉頡師子野所造今檢元和志實無此文惟云師曠祠在縣東南二十里且子野乃師曠字也而曰倉頡師子野亦不詞之甚今平陽城外有碑大書曰倉頡造字處城內有倉聖祠

雲陽養龍處在絳州

遁甲開山圖絳北有陽石山神龍池黃帝時雲陽先生養龍於此元和志龍谷在絳州東二里左傳龍見於絳郊

卽此

羊羴故墟在洪洞縣

舊通志縣南二十五里相傳堯時神羊產此

蒲衣子隱居處在隰州或云在蒲縣

舊通志州東北五十里蒲子山世傳蒲衣子嘗衣蒲故

名或云姓伊名疇案呂覽作尹疇舜以天下讓蒲衣遂隱此山

故漢以名縣又有講道臺在蒲縣

皋陶里在洪洞縣南

舊通志縣南十三里皋陶村有冢存

巫咸故里在夏縣

漢書地理志安邑巫咸山在南 隋志夏縣有巫咸山

舊通志舊名巫咸里後更商相坊今名南商坊

武子莊在翼城縣

舊通志魏武子采邑縣東二十五里有武子廟

羊舌故里在曲沃縣一云絳縣

舊通志距縣二十四里今名羊舌村又三室之邑在太

平縣古晉城東十里今名羊舌坊

已詳城邑又絳州北亦有羊舌村皆傳羊

舌大夫故里云

冀缺故里在稷山縣或云今岳陽南

水經注汾水又西逕清原城北又逕冀亭南昔曰季使過

冀野見卻缺釋其妻饁之相敬如賓言之文公文公命之

爲卿復與之冀京相璠曰今河東皮氏縣有冀亭古之冀

國所都也杜預釋地曰平陽皮氏縣東北有冀亭卽此亭

也汾水又西與華水合水出北山華谷西南流注於汾汾

水又逕稷山北在水南四十許里

舊通志冀亭在河津縣北十五里元王思誠記俗謂上亭下亭又名興亭如賓鄉卽冀缺耨處明提學陳斐題曰聚德田又今岳陽縣有冀氏城傳爲冀缺故里

謹案今稷山河津相距五十里鄆氏所言華谷水其源流皆在稷山境冀亭更在華谷以東其爲稷山地甚明而方志皆據郡國志及杜征南注以地在皮氏必屬河津不思稷山漢晉皆不置縣後魏始分開喜龍門地置高涼隋始改高涼爲稷山則當拓拔以前所謂皮氏縣東北者非今稷山而何以水經注核之清原城在縣南二十里華谷山在縣西北十五里冀亭介其中是又於今縣治爲近矣至岳陽之冀氏城

本漢隋氏縣劉聰以爲冀州治後魏遂改縣爲冀氏
其得稱爲最後元和志云冀缺墓在縣南或是後人
附會

又案晉都絳在今曲沃凡翼城太平絳州絳縣胥其
近都地故皆有絳之名方志所列晉太夫故里不盡
無稽然其確可徵者已詳城邑陵墓卷矣茲舉一二
以例其餘

孔子回車轍在鳳臺縣南

舊通志縣南四十五里天井關石上轍深尺許長百餘
步相傳孔子適晉聞趙鞅殺鳴犢舜華遂旋車後晉人
立廟蓋昔人回轍處也

謹案太行嶺南回轍處水經注在沁水過壁王縣下

則今河內地也道元已辨爲孔氏遷山下追思聖祖立廟存爨非謂回轅天井石跡更在其北益無論矣以相傳已久仰止所同姑存故文耳

段干木故里在芮城縣

舊通志縣西北二十七里山麓今段村

案舊志又於安邑縣下云段干

木隱處在段村有元段禮碑實一地也志誤爲二

太史公故里在河津縣

舊志太史公自序遷生龍門耕牧河山之陽元王思誠

河津記遷生龍門居於太城又縣東有太史鄉

令狐徵君隱居在壺關縣

上黨記令狐徵君隱城東山中去郡六十里卽壺關三老

令狐茂上書訟戾太子者也茂卽葬其山

案故居在今縣東十六里崇賢

村此云六十里或據後漢
時上黨郡治長子言之

班氏故居在甯武縣

漢書敘傳班氏自秦時遷晉代之間至壹避地於樓煩以
財雄邊壹會孫左曹越騎校尉況徙昌陵況子伯爲定襄
太守上書願過故郡上祖父冢有詔太守都尉以下會因
召宗族各以親疎加恩施散數百金北州以爲榮

郭林宗故宅在介休縣

舊通志縣北關郭家村今華嚴寺也按郭有道介休人
村實桑梓地汾州故宅其設教處也

府東郭天甯寺有
林宗宅遺址存

關聖故里在解州

舊通志州東十八里常平馮村今建廟相傳廟卽聖故
居有塔屹立

伯道故居在襄陵縣

舊通志縣東南邵莊有遺址

王太原宅在太原縣

魏書王椿於宅構起事廳極爲高壯時人忽云此乃太原王宅豈是王太原宅椿往爲本郡太守世皆呼爲王太原未幾爾朱榮居椿之宅榮封太原王焉

上虞里在永濟縣

魏書河東姚氏女勝正光中年十五母卒不勝哀而隕太守崔游表其門閭改其里曰上虞里

裴敬憲宅在聞喜縣

舊通志敬憲魏太學博士舉秀才射策高第五言獨擅於時卒後蜀賊陳雙熾所過殘暴至敬憲宅輒相約不

得焚燒

周太祖故居在歸化城西北又有楊忠故宅

舊通志魏天興初遷豪傑於代都宇文陵隨例徙居武

川遂爲武川人陵曾孫卽太祖

案舊志改武川爲周保武州係之偏闕誤

定三年楊忠爲元帥與突厥伐齊出武川過故宅祭先

人享將士

案武川鎮在今畢齊克齊司之北舊志係之平魯誤

文中子故里在河津縣

舊通志縣西南三十里通化村文中子嘗曰疏屬之南

汾水之曲有先人之敝廬可以蔽雨風有田可以具饌

粥此其地也

龍潛宅唐高祖所寓居在芮城縣

舊通志縣南二十五里李叫村西南崖下唐築臺苑壇

刻石表曰唐高祖神堯皇帝寓居大中十一年縣令高

元修

鄂國公故宅在朔州

舊通志州南石碣谷村址微存

薛萬徹故宅在稷山縣

舊通志縣南二十五里勳重村門獅二尙存

詳見金石記

東泉子故里在河津縣

舊通志王思誠記王績棄官隱黃頰山以琴酒自娛今縣東有東皋村按北山賦云望煙火於桑梓辨溝塍於故鄉前臨姑射之西正是河汾之北姑射山在縣東北三十五里汾河在縣南八里誅茅採藥依稀可想

薛仁貴故宅在河津縣

舊通志縣東十五里大黃村址存

鳴珂里在猗氏縣

舊通志縣城內西南三相坊張嘉貞延賞宏靖三世爲相而嘉貞弟嘉祐金吾衛將軍昆弟每上朝軒蓋騶導盈閭巷時號所居坊曰鳴珂里後子孫徙居杜鎮

韓文鄉在永濟縣

朱子韓文考異王銍以爲公生於河中之永樂有韓文鄉愛敬里在永濟縣

舊通志唐貞元中永樂姚棲雲廬墓河中尹渾瑊上其事詔加優賜名其鄉曰孝弟社曰節義里曰愛敬

裴晉公故里在聞喜縣

舊通志縣東五十里裴中村

陽城故居在夏縣

舊通志縣南十五里中條山地名柳谷昌黎文集可考
集覽以爲張掖郡柳谷者謬

武威公舊莊在文水縣

舊通志武威公王茂元也李商隱有過舊莊感事詩

呂仙故宅在永濟縣

舊通志城南永樂鎮唐卽其地爲呂公祠元爲純陽宮
閻使君宅在虞鄉縣

舊通志使君名采嘗爲河東太守後隱居中條山羅通
微賀薪事之俱跨龍仙去

曲環故里在安邑縣

舊通志在報國寺北唐陳許節度使晉昌郡王居此其

里曰寺北曲今後人別居者曰大曲小曲

後漢高祖故里在榆次縣

舊通志五代史劉智遠其先沙陀部人其後世居太原相傳唐中和初徙榆次左付里又昭聖李后亦縣西鳴李村人

文潞公宅在汾陽縣

舊通志治南百步相傳淨心寺卽其遺址明嘉靖中憲使王崇慶改建察院

司馬溫公宅在夏縣

舊通志在縣西司馬里

趙豐公故里在聞喜縣

舊通志在縣東五十里明文翔鳳詩裴鄉連趙里相望

街交枝

郡即隱居在陵川縣

舊通志載宋時隱居縣南錦屏山名人多訪之結芍藥會

滕奉使故居在代州

代州志宋使臣滕茂實故居在天甯寺奉使天甯節有感詩寺中作也

楊文獻故居在平定州樂平鄉

舊通志距樂平八十里楊趙水旁金楊雲巽僧趙秉文肄業於此今名狀元窟

元遺山讀書處在定襄縣

舊通志元好問少愛神山讀書其間因號遺山

案遺山外家在

定襄有
山別業

南仲故里在猗氏縣又有陳克基故居

舊通志在縣南十里南家莊案南仲金將判河中府事
元兵至死之陳克基故里在縣二十五里陳壘村

民安里在平定州

舊通志元王構遊民安里詩鄉社詢遺老川原訪舊墟
何時謀二頃來卜里仁居又下馬龍安塞仙人五字詩
賈魯宅在高平縣

舊通志縣西三十里今長平驛

郝修已故居在曲沃縣

舊通志在紫金山元末卜築明初擢明經第一歷官刑
部郎中以清介賜居紫金山呂乾健有記

附田園

舜田在沁水垣曲界亦曰舜王坪

舊通志垣曲縣北五十里諸馮山卽瞽豕山之嶺也相傳舜生此瞽瞍葬此今山後有舜王坪相傳舜耕於此又山後有一井相傳卽舜浚又沁水縣南九十里歷山有舜田

開田在平陸芮城縣界

元和志陝州平陸縣開原在縣西六十五里卽虞芮爭田讓爲開原之所 太平記原在縣西六十里東西七里南北十三里

舊通志縣西五十里俗名讓畔城又名興讓里

案縣西五十里

亦在芮城界

汾陽之田在太平縣負葵之田在榮河縣

國語惠公私於公子繫曰中大夫里克與我矣吾命之以
汾陽之田百萬平鄭與我矣吾命之以負葵之田七十萬
汾州府志今太平縣南有地名汾陽爲縣境七舖之一
曰汾陽舖又有汾陽山

謹案二地注不詳所在如東原說汾陽自在汾北似
負葵卽葵邱爲漢之汾睢禮明堂位注負之言背也
背負汾睢其地在汾陰明甚蓋重賂求入舉汾南汾
北濱國都之地悉以昇之當不止今太平榮河二縣
特循名以求當以二縣稱首矣

縣上田在介休縣一云在萬泉或以爲實翼城地也

左傳介之推遂隱而死晉侯求之不獲以縣上爲之田曰

以志吾過且旌善人

謹案縣山在介休介山在汾陰子推隱處自漢以來
已有二說顧亭林據左傳趙簡子逆宋樂祁縣上舉
翼城小縣山以實之而縣上之說遂定已詳山川考
中此不復述

昆田在永濟縣

漢書帝紀元封元年行幸河東詔曰朕禮首山昆田出珍
物化或爲黃金應劭曰昆田首山下田也武帝祀首山故
神爲出珍物化爲黃金

金田在陽高縣

水經注瀑水又東逕沙陵南魏金田之地事同曹武鄴中
定矣戴氏震曰案此語有脫誤裴松之注三國志引魏略云河北始開以王脩爲司金郎中續漢書百官志本

生云曹公始置司金中
郎將利權悉歸於上矣

謹案魏書食貨志延昌三年恆州上言白登山有銀
鑛八石得銀七兩錫三百餘斤詔置銀官常令采鑄
道元所言當卽其事白登山岡阜演迤桑乾北岸悉
其餘支以水道核之沙陵當爲今陽高南川黃土梁
霍光別墅在浮山縣

舊通志縣北諸葛河西流爲丞相河蓋以霍光別墅名
也今南霍村有故里

華林園丞興園在大同縣

魏志太平眞君五年華林園諸果盡花帝紀太和十七年
三月幸丞興園

裴晉公湖園在聞喜縣

舊志縣東四十里董澤間李文叔云園圃之勝不能兼者六務宏大者鮮幽邃人力勝者少蒼古多泉木者艱眺望晉公湖園兼之按午橋莊綠野俱在東都湖園在故里

絳守居園池在絳州治

舊通志在州治北隋臨汾令梁軌導鼓堆泉貫入牙城蓄爲池沼中建迴澗亭唐長慶中刺史樊宗師刻石記之文殊竒遊人罕成誦宋通判孫冲爲之序元至治間知州劉明安重構亭明宣德七年知州韓轍又重建孫冲重刻絳守居園池記序略云樊之記有亭曰澗澗曰香曰新曰望月曰柏有塘曰蒼塘有隄曰風隄有原曰鼇琢又正西曰白濱無遺址疑其指水涯爲亭名也其

餘渠寶花木隄原川河井闔墻墉歲久且古多訛舛不可驗惟西南有門曰虎豹暨香亭望月猶存今之亭東南曰四望依斛律光廟之東曰望京據北曰香香之西北曰會賓前垂岸之下連柏陰曰水簾池之中曰水心跨昂橋歷虎豹門而西曰曲水既北少西夾池曰望月又北隈篠竹構水曰禮賓且西曰蜜黎園曰感恩南對遠引曰射圃可以習射也又別一亭曰姑射西北與姑射山相對東北可周覽今題二亭曰浩氣藹藹浩氣連仁豐廳後藹藹蔭虎豹門其下胥芙藥藹藹也

東西花園在代州

舊通志西十里柏林寺旁晉王克用遊賞地

獨樂園在夏縣

舊通志縣西三十里案名臣錄溫公居洛兄旦居夏縣
胥有園池勝概光歲一往省旦旦亦閒至洛觀光又案
司馬康寒食上冢至洄澗莊有詩刻石蓋別墅也

樂安莊南北二園在永濟縣

舊通志在東關古城東北隅宋樞密直學士薛休致仕
歸築因其封郡名曰樂安有南北二園名其堂北曰逸
老東曰三經西曰無無又有明月臺

東園在翼城縣

舊通志縣治北宋宣和間縣令向淙所闢邑人丁產師
撰記有靜樂軒其南有亭曰錦江北有臺曰邀月少北
曰登翠又少北曰五柳亭

南園在絳州

舊通志有無邪堂快軒金正隆二年觀察韓子端有記

成趣園在虞鄉縣

舊通志金元好問有麻長官成趣園詩

小有園碧柳園並在應州

舊通志小有園權州節度使康公弼憩此在康興莊碧

柳園榮國公高汝礪別業今柳樹巷

晉府廢園在陽曲縣濟府廢園在長治縣

舊通志明晉藩西景園在廢府西北隅又晉安王園亦

名西園潞安府藩藩菊園在普通寺西沁水王葵園在

演武巷園西有進脩館又保定王園今為慈仁巷

桂子園俗名小五臺在會城東南隅

舊通志王道行別業也有桂數株日觴詠其間有桂子

園築行世後爲明宗藩河東王所得更名金粟今爲荒
宇

晉溪園在太原縣晉祠

舊通志王晉溪太宰卜築於晉祠水邊甚爲佳勝

映碧園在代州

代州志在西郊尙書孫傳庭別墅也有西溪荷亭涵虛
閣元滌樓諸勝尙書並紀以詩

右城聖田園

山西通志卷五十五